

Bicara Bernas oleh Sun Life Malaysia

Takaful pada masa diperlukan



Raymond Lew



Sebagai pembuka bicara, saya ingin mengucapkan salam Ramadan kepada semua umat Islam di Malaysia pada bulan mulia ini yang pastinya sangat berbeza dari tahun-tahun sebelumnya.

Ramadan adalah bulan penyucian jiwa, di mana semua disarankan untuk meningkatkan perasaan ihsan, kasih sayang dan empati antara satu sama lain melalui amalan berpuasa.

Apabila saya mengimbas kembali kepada 5 bulan pertama tahun 2020, ini telah menyedarkan kita mengenai perkara yang paling penting untuk dititikberatkan dalam kehidupan iaitu menumpukan kepada kesejahteraan dan perlindungan diri, orang yang disayangi serta masyarakat secara keseluruhannya.

Keperluan perlindungan

Ketika kita melalui tempoh yang mencabar ini, saya ingin berkongsi sesuatu yang dapat membantu anda memenuhi tanggungjawab kerohanian dan juga memberikan perlindungan serta ketenangan jiwa kepada anda dan yang tersayang - Takaful.

Tidak ada waktu yang lebih sesuai untuk kita memahami mengenai kepentingan perlindungan

Takaful selain daripada ketika menghadapi kesukaran hidup.

Impak ekonomi dari pandemik ini telah mengakibatkan ramai orang di seluruh dunia menghadapi risiko pemotongan gaji dan kehilangan pekerjaan.

Perlindungan Takaful boleh meringankan masalah kewangan dan meringankan beban keluarga ketika berdepan situasi seperti ini.

Sebagai contoh, baru-baru ini, pelanggan kami yang disahkan menghidap COVID-19 masing-masing telah menerima bayaran faedah khas sebanyak RM5,000.

Ini menunjukkan betapa pentingnya mempunyai jaringan keselamatan kewangan kerana mereka pastinya tidak dapat menajana pendapatan sepanjang tempoh pemulihan.

Perancangan seumur hidup

Takaful bukan eksklusif untuk orang Islam sahaja. Sebaliknya, ia memenuhi keperluan keselamatan dan perlindungan untuk siapa sahaja tanpa mengira agama, bangsa, atau kepercayaan.

Produk Takaful menekankan unsur kerjasama dan bantuan antara peserta dan perlindungan kewangan untuk diri dan keluarga.

Anda mungkin tertanya, apakah yang membezakan Takaful

daripada insurans konvensional? Memang terdapat banyak perbezaannya dan di sinilah terletak nilai Takaful yang sebenar.

Selain mematuhi prinsip Syariah pada keseluruhannya, Takaful turut menyediakan penyelesaian kewangan untuk orang tersayang dan juga membolehkan anda membuat persiapan untuk bekalan di alam kehidupan seterusnya.

Anda akan berasa lebih lega apabila kebajikan orang yang disayangi terjamin jika berlaku sebarang keadaan yang tidak diduga, sambil ia memberikan manfaat kewangan dan jaminan bahawa keperluan kerohanian dan agama anda tidak diabaikan.

Tidak seperti insurans konvensional, Takaful lebih memupuk semangat kemasyarakatan dengan kontrak perkongsian risiko di kalangan peserta. Tambahan pula, lebih dana (jika ada) dikongsi bersama peserta lain sebagai manfaat tambahan.

Ini pastinya satu manfaat yang mampu menarik perhatian mereka yang bukan beragama Islam.

Memenuhi keperluan rohani

Takaful turut memberi peluang untuk memenuhi keperluan rohani terutamanya pada bulan mulia ini, di mana sumbangan dan amalan baik amat digalakkan. Ini adalah menerusi Tabarru' iaitu sumbangan sukarela dalam kontrak Takaful di mana sumbangan bulanan anda membantu orang lain yang memerlukan di samping memberikan jaminan perlindungan

keperluan anda.

Selain ciri khas yang memenuhi kewajipan anda untuk membayar Zakat daripada akaun pelaburan anda, kami juga membayar zakat perniagaan kepada semua pihak berkuasa negeri dan menyalurkan lebih wang yang tidak diagihkan kepada organisasi kebajikan.

Tidak dilupakan konsep unik Hibah yang membolehkan anda menganugerahkan 'hadiah' kepada yang tersayang dengan menjamin masa depan kewangan mereka selepas ketiadaan anda.

Selain itu, terdapat juga manfaat Fidyah yang meringankan kewajipan untuk mengganti puasa yang ditinggalkan pada bulan Ramadan sepanjang hayat anda.

Dan walaupun setelah anda tiada, pahala dan kebaikan anda akan berterusan selamanya melalui Wakaf yang merupakan sebahagian daripada tuntutan agama.

Takaful di Malaysia

Takaful sememangnya berperanan penting dalam melindungi dari cabaran kewangan akibat keperluan penjagaan kesihatan atau peristiwa yang tidak dijangka bahkan juga untuk keperluan simpanan, pendidikan, persaraan dan pelaburan jangka panjang.

Dengan penembusan pasaran Takaful pada hanya 15.2%, banyak lagi yang perlu dilakukan untuk meningkatkan kesedaran mengenai tanggungjawab individu dalam perancangan kewangan di kalangan rakyat Malaysia.

Di Sun Life Malaysia, kami akan

meneruskan usaha kempen kesedaran dan inisiatif komuniti kami yang mengetengahkan nilai dan manfaat perlindungan Takaful.

Ini adalah sejarah matlamat kami untuk membantu lebih ramai rakyat Malaysia mencapai perlindungan kewangan seumur hidup, mendapatkan ketenangan minda dan keupayaan untuk melindungi diri sendiri, orang yang disayangi di samping memenuhi kewajipan keperluan rohani mereka.

Sepanjang tempoh Perintah Kawalan Pergerakan (PKP) ini, kami telah memberikan usaha terbaik untuk menjangkau dan menyokong para pelanggan kami.

Kami akan terus fokus pada matlamat kami bagi memastikan lebih ramai akan memperolehi perlindungan kewangan untuk menangani situasi yang tidak dijangka untuk kehidupan yang pastinya lebih cerah di masa hadapan.

Kepada semua pembaca, saya mengucapkan Selamat Hari Raya Aidilfitri! Luangkan masa istimewa ini, biarpun bersama atau berjauhan, untuk mengeratkan silaturahmi, berkongsi tawa dan kegembiraan dengan keluarga tersayang.

Ingatlah apa yang kita telah lalui hari ini akan menjadikan kita lebih kuat untuk mengharungi masa depan yang lebih cerah bersama.

Raymond Lew ialah Ketua Pegawai Eksekutif dan Ketua Negara untuk Sun Life Malaysia. Untuk maklumat lanjut, layari sunlifemalaysia.com

